

平定兩金川方畧

三

四

平定兩金川方略

卷一

平定兩金川方畧卷之九十二

三月丙寅。明亮富德奏言。

臣

查穆當噶爾賊碉

連日用礮轟摧。殘毀已及十分之七。賊番見勢

危迫。於二十六日。亦擡一礮潛匿山洞。希圖迎

擊隔河石牆。當將二將軍礮位。對準洞口施放

而礮子直入洞口。烘透賊番火藥。應聲迸裂。將

賊殲斃無遺。至河北喀咱普山。遡上賊碉。攻之

平定回疆方略卷之七十二
自不可緩。臣等現移各種礮位對準施放。一經

殘破。督兵攻撲。務期得手。此兩日內。自金川河
上流漂出賊番男婦屍身十餘。不知何故。或係
小金川番人。不安於內。而前此投番穆塔爾等
復赴前敵招降。賊番自相猜忌。卽將小金川人
之有異心者。陸續棄之河內。均未可定。如果屬
實。則小金川各番。必成內潰。於進剿未嘗無補。

同日明亮富德又奏言。查德爾格忒境內。大喇嘛斯都胡土克圖。先經遣人稟稱。聞大兵攻勦金川。爲衆土司除害。現今前藏後藏喇嘛。俱各諷經祈佑。我願親自來營。虔誦得勝經。以展誠心等語。臣等查西南各路土司。於斯都胡土克圖。最稱信服。爲向來求見而不可得者。今旣願來營。以堅各番助順之心。未始無益。但聞其年

近七旬。或艱跋涉。因派通事前往。令其自爲酌量。茲據斯都胡土克圖。約同拜玉寺大喇嘛于瑪扎什等。已於正月十二日起程。現在南路各番民聞知該喇嘛等。俱肯來營念經。必係金川當卽日滅亡。其踴躍奮興之意。更倍往時。借以鼓勵伊等出力打仗。自易見功。臣等已令沿途站員。量爲照應。俟抵軍營經事已畢。視其精力

何如。再令其赴西路。均奏入。

上諭軍機大臣曰。明亮奏斯都胡土克圖。情願來營。諷經等語。此亦甚好。且俟其到營後。如何出力。再行奏聞。酌加恩賞。其西路軍營。應否令其前往。著阿桂等就近酌定。通知明亮照料。此事應令各路軍營土兵等。廣爲傳播。使金川賊衆。隱懷疑懼。更足懈其守禦之心。是亦隨宜用計之一法。又據奏

賊番藏礮山洞。我兵卽將礮位對洞施放。將賊火藥燃烘。賊皆殲斃等語。卽此可見金川速滅之兆。明亮等亦當祭山祭礮。以答神助。又據奏此兩日內。自金川上流淌出賊番男婦屍身十餘。或係小金川番人不安於內。賊中自相猜忌。棄之河流等語。亦屬或有之事。且近日聞僧格桑爲索諾木所拘。必更含怨望。其心離散可知。前曾諭令各路

將軍曉諭金川諸番。有能及早投順者。卽予免罪。如能擒獻逆酋兄弟。及大頭人者。並加恩賞。番衆聞之。其心必漸動搖。加以各路上緊攻打。賊必至於內潰。似亦理所必然。將軍等均當努力爲之。

戊辰。豐昇額。五岱奏言。

臣

等前議欲從達爾扎

克之北。下至凱立葉山根。佔據山峯。俟天霽雪消。竭力辦理。今二十八九兩日。天氣少晴。雪亦

漸融。臣

等卽派官兵。於三十日夜半時。發兵由

山澗內越石踏雪而進。黎明俱到凱立葉山根。
當乘天色未明。卽派侍衛那木扎等。過嶺直入。
見有大小山峯六處。各有大礮。賊見我兵臨近。
鎗石齊發。臣等督令官兵。直前衝擊。並令侍衛
彰靄明仁。繞取第二峯。侍衛瑪爾占伊達里等
奪取第三峯。以分賊勢。其第一山峯之賊出卡

攔截我兵鎗箭齊施斃賊數名其第二第三峯

賊衆亦盡皆出礮拒戰各隊官兵奮勇擊殺約

殲三十餘名餘皆驚遁遂盡克三峯礮卡仍往

撲第四山峯賊皆匿不敢出憑高死守會已日

暮暫將兵丁撤回

臣

五岱卽於山峯之下立營

駐守

臣

等將已得山峯周回詳勘賊番現據之

第四山峯卽係凱立葉之山項過此山峯卽可

俯壓。是以捨死據守。正在商議攻取間。准阿桂
差通事賡噶。與梭磨人拉木占前來。據稱羅博
瓦礫卡。已全攻取。現在山頂下營。遙望凱立葉
山。特差我等來看南山之路。如可行走。彼此派
兵夾攻。似兩路可通等語。臣等卽將新得之處。
令其詳看。仍令查勘南山道路。俟看明回報阿

桂。如何辦理。臣等自當一體遵辦。奏入。

上諭軍機大臣曰。豐昇額奏凱立葉三峯。已將賊卡
悉行奪取。又准阿桂知會。差遣通事賡噶等偵看
南山道路。彼此夾攻等語。所辦甚好。兩軍會合。則
兵力益增。不日成功。佇聽捷音。再賡噶係從前被
擒脫出。投赴阿桂之人。今差赴豐昇額軍營。想因
詳知路徑。尚可信用。始行差遣。如其平時出力。理
應酌量加恩。以示鼓勵。從前平定準噶爾時。額魯

特內誠心出力者。俱爲加恩。遂深得伊等之力。至
今差遣無不輸誠。今惟欲殲滅兩金川賊衆。與其
餘土司無涉。伊等內如有出力者。酌加恩賚。不惟
現在得力。卽此後凡有差遣。亦當共効誠心。著阿
桂等查明。廣噶自投來之後。如何出力。應如何施
恩之處。酌擬具奏。

辛未。阿桂。色布騰巴爾珠爾奏言。查得羅博瓦

迤下山岡之北。有得斯東寨一處。係賊番住居之地。人戶不多。從高下壓。既可無用多兵。而燒燬其寨。殲戮其人。亦足令賊番喪膽。因於初四日。令海蘭察。額森特。福康安。海祿等。帶兵分爲兩隊。前往剿殺。比之寨前。賊番上前迎拒。而寨內之賊。亦放鎗助勢。官兵鎗箭齊發。殺賊十餘人。其餘奔竄。額森特等督兵斫破寨門。縱火焚

燒賊人出寨奔逃。我兵追殺。又斃十餘人。但此寨附近凱立葉。若令官兵留住。賊必疑我有會攻凱立葉之局。預先設備。轉有未便。因令官兵緩緩撤回。臣等於數日內。將所有要隘卡柵。趕修完竣。即可抽撤官兵。迅速妥辦。

同日。阿桂。色布騰巴爾珠爾。又奏言。三月初三日。有小金川番人科爾甲斯丹巴二名。從賊境

投出來營。

臣

卽親訊據稱聞得谷噶一路官兵。

甚爲利害。前日格魯瓦覺一仗。頭人被鎗箭死。

者共有六七人。又有金川大頭人達實策旺。頭

上中箭擡回。不知死活。金川人都說官兵把羅

博瓦全奪去了。弓箭甚是利害。現派各頭人在

各緊要地方把守。惟有丹巴沃雜爾山塔爾薩

木坦兩人。來往巡查。與索諾木。莎羅奔岡達克。